

明史攷證擴逸

九七



明史攷證攢逸卷二十二

長洲王頌蔚編集

列傳第一百二十四

李植傳若變棋然

變改
弈

○按原疏作若弈棋然見江東

之文集

李植附傳可立○按可立字子豫萬厯五年進士爲御

史時嘗巡視兩浙鹽政見王圻兩浙離志

江東之傳奏駙馬都尉侯拱宸從父豪奪民田○按公

主傳作侯拱辰與此互異

湯兆京傳歲可獲金四百萬者

百改
十

○按開采機易山

爲姦人張疑閭應隆所奏其疏中謂可得金十萬白

月五十二
金三十萬則合之得四十萬也且萬厯時天下賦稅之額祇有四百萬豈有一山所得直同天下賦稅之全數乎據馮琦北海集改

有請徵徽寧諸府契稅

諸改二

○按萬厯三十年正月指

揮同知袁順時奏獻現銀奉內旨云所奏江南徽寧二府買產稅契約銀十五萬兩著南京守備內官邢隆會同撫按查勘收解則是專指徽寧二府非概及諸府也據馮琦北海集改

東廠太監盧愛

愛改受

○按太監盧受見徐大相曹珰王

德完等傳此作愛誤

尋以年例出三御史於外○按年例所出三人爲孫振

基王時熙魏雲中時熙雲中並御史振基則戶科給事非御史也見明實錄及趙煥孫振基等傳

王元翰傳武定賊阿克作亂○按本紀金沙江蠻阿克攻陷武定武定本屬土司所治阿克爲武定土司支屬久居金沙至是內犯事在三十五年冬見土司傳及毛奇齡蠻司合志

御史鄭繼芳

至

奸贓數十萬○按是時湯賓尹營入閣

甚急給事王紹徽善賓尹因語元翰曰公語言妙天下卽一札揚湯君湯君且爲公死世間如湯君可恃也元翰辭焉紹徽因嗾繼芳撫元翰見明史紀事本末

孫振基傳會進士鄒之麟分較順天鄉試

較改校下同

馬孟禎○按孟禎自有傳鄭繼之劉策傳作孟楨誤

競相搜取凡十七人

七改八

○按選舉志作十八人合韓

敬數之此既統以凡字亦應作十八人下文言十七人與敬對言故也

正春乃會九卿趙煥○按煥時爲吏部尙書蓋舉九卿之長言之

業逐去一總憲外轉兩言官矣

亦去兩侍郎兩言官矣○按一總憲爲孫瑋兩言官則孫振基王時熙兩侍郎爲翁正春孫慎行兩言官則李槃張鍵並見各本傳

孫振基附傳崇禎二年起驗封郎中○按崇禎初上林苑典簿樊維城疏稱必顯請與賀逢聖文震孟等並召遂納之見崇禎長編

丁元薦傳二十七年京察元薦家居坐浮躁論調○按二十七年李戴以吏部尙書主察元薦先因言事忤當路戴徇指察之時議皆不直戴見戴傳

李朴傳主事沈正宗賀烺皆與相拄○按趙煥傳戶部郎中賀烺劾煥擅權被貶煥於萬厯四十年八月爲吏部明年九月致仕此傳所言賀烺與三黨相拄貶官正四十一年事傳不言郎中而作主事與煥傳互異

宗文等及其黨力詆○按是時宗文之黨張至發余懋
孳李徵儀杜士全過庭訓商周祚張銓張篤敬毛一
鷺董定策輩並連章論朴見明實錄

夏嘉遇傳徐紹言

言改吉

○按明實錄及鄭繼之蔣允儀

等傳皆作徐紹吉此作紹言誤

詩教者從哲門生而吏部尙書趙煥鄉人也○按詩教
萊蕪人煥掖縣人見山東通志

先坐事謫上林典簿○按之麟所坐事以分校順天鄉
試有私爲御史孫居相所發見明史紀事本末

遼左三路喪師

三改四

○按下文嘉遇疏作四路

列傳第一百二十五

傅好禮傳饑民富者貧

饑改
畿

姜志禮傳有賜田二百頃

百改
萬

包見捷傳見捷言尤數○按見捷疏論礦店滋蔓又疏
論臨清稅使擾民必致生變又論遼左阡疇危礦市爲
患尤烈一月三疏指數內監最爲切直見明史紀事
本末

田大益傳重足而纍息

纍改
累

而羣小猶盜橫

盜改
恣

大卒屏置勿閱故也

勿改
弗

馮應京傳孔時亦被逮○按武昌同知卞孔時被逮時
知府王禹聲亦謫爲民禹聲著郢事紀略備列奉激

變之由

遂執其爪牙六人投之江○按宦官傳作十六人與此

互異

吳寶秀傳授大理評事歷寺正出爲南康知府○按明史紀事本末寶秀在大理廉平有聲其之南康任也纔十有六日

華鈺傳奉又疑經歷車重任教之○按宦官傳作車任重

并及巡按御史曹楷襄陽知府李商耕黃州知府趙文煥荊門知州高則巽等數十人○按陳奉稅課襄陽商人聚徒鼓譟知府李商耕治其參隨又奉設稅課

於荆門而荆門本非巨鎮往來商船頗少以是遷怒知州高則巽遂並劾之見明史紀事本末

三十四年則陝西咸陽知縣宗時際○按宦官傳作宋時際

參將李獲陽○按宦官傳作李孟陽

列傳第一百二十六

李成梁傳辛愛大入遼東○按辛愛大入遼東考本紀謂犯錦州也

都督王台執以獻斬之○按明實錄王台執王杲時並送進王杲原攜軍士八十二名

復以二萬餘騎從大鎮堡入攻錦州○按二萬餘騎從

大鎮堡入攻錦州分掠小凌河等處考明實錄係萬
厯九年正月事與此互異

帝竟從御史張鶴鳴言解成梁任○按明實錄張鶴鳴
疏稱成梁血氣旣衰罪惡貫盈

李成梁附傳給事中邵庶嘗劾如松及其弟副總兵如
柏不法○按庶嘗劾如松與如柏不法當卽指後文
所云驕橫及如柏傳所云會飲諸事

麻貴傳斬首二百五十有奇○按明實錄七月內前後
斬獲首級一千六百餘與此互異

列傳第一百二十七

董一元傳石曼子爲陳璘所殲一元得還故秩○按一

元得還故秩言緣陳璘殲石曼子之故未及一元與
陳璘分道並進之故也事詳璘傳

乾隆四十一年賜諡諸臣杜松通諡忠烈

列傳第一百二十八

葉向高傳曩惟世宗時景王有之○按景王封藩德安
疏請楚地閑田詔悉予之其後潞王得景故籍田多
至四萬頃故福王引以爲言見諸王傳

與孔學趙宗舜趙聖等相訐告○按明史紀事本末作
趙思聖與此異

而都御史十年不補○按都御史溫純以三十三年致
仕後皆係兼攝見七卿表

劉一燝傳明日嘉謨及左光斗疏請移宮

日下增周字謨下刪及字

選侍不得已移噦鸞宮○按后妃傳選侍移居仁壽宮

與此互異

頌蔚按周嘉謨傳亦作噦鸞宮楊漣傳其日選侍遂移宮居仁壽殿又云今奉養李

氏於噦鸞宮尊敬不敢怠又云未幾噦鸞宮災諸傳或作噦鸞宮或作仁壽宮或又作仁壽殿紀載互異

考春明夢餘錄隆祀門又東北並列二門曰履順蹈和則一號殿仁壽宮宮門內有噦鸞宮皆鳳宮宮妃

養老之處據此噦鸞宮蓋在仁壽宮之內故得通稱惟楊漣傳作仁壽殿當誤黃忠端說畧楊一洪首倡

移宮李選侍出居一號殿一號殿與仁壽宮同一門故忠端所紀與史又異要之噦鸞宮爲宮妃養老之

所則此傳所紀爲得其實

忠賢從中主之

刪主之二字

先是從哲數稱一燝爲首輔

哲下增去帝二字

二年正月疏十二上乃令乘傳歸○按一燝致仕本紀

作二年三月與此互異

韓爌傳此本日情事也

此句全刪

而先帝已於卯刻上賓矣

刪而字

被袞憑几儼然顧命

刪被袞儼然四字

顧天以禱臣子際此

此八字全刪

實未出於口

下增及普天哀慕凡所謂致疑致憤者不惟不忍出於口二十字

何如紀述

刪何如二字

建言護譴

護改獲

至五月始遣行人召之○按宰輔表作四月遣召與此

互異

又以兵科給事中劉懋疏議裁驛卒○按懋請裁定驛

站歲可節金錢數十萬上喜著爲令有濫予者罪無赦意謂蘇民力也而遊民藉食驛楫者無所得食遂相率爲賊見綏寇紀略

亦劾熿主款誤國招寇欺君

款改謀下同招寇改玩敵

朱國祚傳國祚攝尙書近二年

改國祚攝尙書者年餘

嘗以事忤國祚者也三年進少保太子太保

者下刪也字少保下

增兼

○按宰輔表國祚以天啟元年九月晉太子太

保其年十月晉少保改武英殿此言三年進少保與

表互異

何宗彥傳屢加少師○按宰輔表不載加宗彥少師疑有脫漏

以附魏忠賢驟加本部侍郎○按宗聖爲魏忠賢建祠
房山閹黨傳又以宗聖爲太僕寺卿與此異

孫如游傳明年三月始得命○按七卿表作四月署與
此互異

先奉諭上孝端皇后孝靖皇太后尊諡又封郭元妃王
才人爲皇后○按孝端爲神宗王皇后先神宗三月
崩孝靖則光宗生母郭元妃爲光宗后王才人則熹
宗生母並先以萬厯間薨見后妃傳

列傳第一百二十九

周嘉謨傳多安民叛入緬據蠻灣嘉謨討禽之○按安
民以守將索賂叛入緬已而緬聽撫遣安民歸安民

據蠻灣桀甚嘉謨因遣參將周會襲之其族人挾其弟安靖誅之以獻事在三十五年見明實錄

御史賈繼春得罪○按是時繼春聽流言謂選侍移宮時欲自裁因上安選侍揭給事周朝瑞駁之楊漣乃上移宮始末疏繼春復疏明上書之故帝怒嚴旨切責見明史紀事本末所謂得罪者指此

出維華於外○按是時嘉謨用年例出維華爲陝西僉事見春明夢餘錄

張問達傳又極論守訓罪○按守訓以貲官中書附稅璫大恣姦弊御史劉曰梧嘗疏劾之鹽務少監魯保亦奏其阻塞鹽課帝皆不省見明史紀事本末

尋召方從哲吳道南及問達等於慈寧宮○按是時帝率東宮皇長孫諸皇孫召見羣臣於宮門外從御史劉光復之請也見明實錄

止逮可灼下吏○按可灼下吏後旋於是年十月遣戍見明史紀事本末

御史周維持劾問達力引王之案植黨亂政○按張差獄起問達令郎中胡士相員外趙會楨勞永嘉鞠之時巡城御史劉廷元主風癩而士相等亦第云差以私忿赴朝聲冤誤入宮門遂僅引向宮殿射箭放彈等輕律及之案請敕會問士相等乃懼見明史紀事本末

張問達附傳提牢主事王之宋奏差口詞甚悉○按之宋奏差口詞後郎中陸大受疏請窮治疏中有姦戚二字上惡之不報給事中何士晉太常少卿史孟麟亦力言之皆不報見春明夢餘錄

汪應蛟傳帝命停礦稅至不納○按三十年二月帝偶不豫召沈一貫等入諭以罷礦稅起廢釋禁諸事翼日帝安急追前諭一貫恐立繳之始尙書李戴都御史溫純擬卽日奉行而刑部謂弛獄須再請無何而旨格矣見明史紀事本末

馳傳歸○按應蛟之歸在天啟二年十二月至四年廷推吏部尙書忠賢矯旨以左侍郎陳于廷爲黨比革

于廷職而應蛟削籍見明實錄

王紀傳紀旣斥○按紀被斥時修撰文震孟有論救一疏見明史紀事本末

孫瑋傳其冬以吏部尙書再掌左都御史事○按瑋於三年閏十月以尙書銜掌院事旋於十二月加太子太保見七卿年表

乾隆四十一年賜諡諸臣陸夢龍通諡忠烈傳梅通諡節愍

明史攷證攢逸卷二十三

明史攷證攬逸卷二十四

長洲王頌蔚編集

列傳第一百三十

陳邦瞻傳以右副都御史巡撫陝西

陝改廣

田州土酋岑茂仁

茂改懋下同

○按土司傳作岑懋仁

蕭近高傳相失利擅移駐景德鎮○按相之移駐景德

鎮事在二十七年迨三十年相激變鎮民反誣劾通

判陳奇可逮下獄至四十八年七月光宗始以遺詔

撤還見明實錄此作相不久自引去未知何據

遼東稅使高淮激民變

民改軍

參將李獲陽

獲改孟

白瑜傳顯皇后弟也

改孝靖太后父也

以后故銜鄭氏

后上增太字

遂偕其弟錦衣天麟交章劾養性不軌

刪遂字其字

程紹傳山西稅使張忠○按山西稅使張忠宦官楊榮傳作孫朝與此互異

翟鳳翀傳御史劉光復方發口遽得罪○按是時帝親諭羣臣光復於班後抗言皇上東宮慈孝語不甚悉帝怒其震驚聖母几筵遂下法司見春明夢餘錄

洪文衡傳文衡請祧睿宗○按是時廷議將祧憲宗故文衡有是請見春明夢餘錄

陳伯友傳楊漣劾魏忠賢○按是時與漣相繼劾忠賢

者如給事陳良訓魏大中等御史袁化中周宗建等
尙書趙彥詹事翁正春等先後攻斥不下百餘疏見
明史紀事本末

陳伯友附傳吏部侍郎方從哲中旨起官○按從哲初
以祭酒家居久不出人稱其恬雅至是以中旨起成
名疏劾之御史周起元亦相繼言其不可見明實錄
董應舉傳乃強敵侵凌之徵改乃天象
非常之警

天津葛沽故有水陸兵二千○按是時應舉疏言臣近
至天津歷何家圈白塘口雙港辛莊泥沽葛沽等處
見汪應蛟開河舊蹟猶存可作水田甚多挑濬舊河
爲力不多明年萬石之糧可必也詔從之見春明夢

餘錄

林材傳經略宋應昌惑沈惟敬力請封貢○按是時因倭亂以侍郎宋應昌爲經略都督李如松爲提督討之兵部尙書石星計無所出募能說倭者偵之於是嘉興人沈惟敬募遂假游擊銜隸如松麾下二十一年如松大捷於平壤乘勝趨碧蹄館敗而退師於是封貢之議起見明史紀事本末

列傳第一百三十一

趙南星傳引疾歸○按南星爲考功時尙書楊巍將糾丁此呂南星洩之於編修趙用賢給事中王士性巍嫌之南星遂引疾歸見春明夢餘錄

得旨南星等專權植黨貶三官○按二十一年三月道隆言員外虞漳熙郎中楊于庭臺省交謫而吏部曲爲解僅議一職方主事袁黃非體鑰疏辨奪俸南星貶三官調外漳熙等並罷見明實錄

光宗立起太常少卿○按南星家居垂三十年其入朝也大理卿周應秋知其柄用郊迎結歡南星益鄙之歎曰吾入山三十年安知士風至此乎見明史紀事本末

居數月拜左都御史○按南星左都御史之擢在天啟二年十一月見明實錄

攀龍之劾崔呈秀也至遂與定謀○按是時忠賢矯旨

呈秀免勘仍起爲御史見明實錄

南星遽引罪求去○按南星等去國時大學士韓爌力爭不報見明史紀事本末

俄以會推忤忠賢意并斥于廷漣光斗化中○按是時令別推可吏部都察院者旣推喬允升馮從吾汪應蛟以上又矯旨責于庭等黨比遂悉削籍見明史紀事本末

訥復列上邦華及孫鼎相等十四人

四改七

諸干進速化之徒

刪速化二字

死者皆削奪縉紳禍益烈

改生者除名死者追奪爲禍益烈

鄒元標傳張居正奪情元標抗疏切諫○按元標疏中

並劾御史曾士楚給事陳三謨疏留居正之罪見明實錄

元標復上時政六事○按所上六事曰保聖躬開言路節財用拔幽滯寬罪宗放宮女見明實錄

尙書宗纁請用元標

宗改宋

○按七卿年表及本傳俱作

宋纁

孫慎行之論紅丸也元標亦上疏○按慎行以光熹之間三案無信史疏責從哲甚峻元標韙之遂有是疏見春明夢餘錄

訊問誰秉國成

訊改試

葉向高力辨且乞同去○按向高有陳愚衷以質公論

疏言頃童蒙以講學論元標從吾二臣已奉旨慰留此猶論其事耳今允厚並其人而詆訾之二科臣之意不在講學而在明歲之考察臣願與元標俱去又有亟請休致一疏並見春明夢餘錄

孫慎行傳授編修累官左庶子○按慎行官翰林時妖書事起沈一貫欲逞恨於沈鯉慎行抗疏力解之見明史紀事本末

於是從哲疏辨○按從哲疏辨後九卿科道會奏久延給事中魏大中疏速之給事中周希令御史吳甡等數十人先後劾奏見明史紀事本末

刑部尚書黃克纘右從哲○按是時右從哲者克纘而

外爲給事中汪慶百御史王志道徐景濂等見春明夢餘錄

張訥遂上疏力詆有詔削奪○按訥是時請毀東林關中江右徽州諸書院因痛詆慎行及余懋衡鄒元標馮從吾等皆削籍見明實錄

未幾劉志選復兩疏追劾○按志選劾慎行倡不嘗藥之說妄疑先帝不得正其終更附不討賊之論輕詆皇上不得正其始見春明夢餘錄

高攀龍傳侍郎趙用賢至攀龍上疏○按二十年冬攀龍奉詔謁南京孝陵時當京察孫鑪趙南星在吏部力排政府私人於是言者訐鑪等皆被譴用賢亦被

明史紀事本末 卷一百一十四
許世達抗疏救復爲戶部郎中楊應宿所攻遂俱去
是時攀龍使還乃有是疏見明史紀事本末

應宿亦疏許攀龍語極妄誕○按應宿謂攀龍與顧憲
成爲姻此疏其阿吏部之實也見明實錄

御史崔呈秀按淮揚還攀龍發其穢狀○按呈秀在淮
揚霍正知縣鄭廷祚貪將劾之以千金免廷祚知其
易與再行千金卽薦之其他貪污多類此見明史紀
事本末

列傳第一百三十二

楊漣傳漣光斗乃倡言於朝其詰責鄭養性○按帝有
疾之後都督僉事鄭養性有請收回封后成命一疏

至是漣疏中並劾養性云當年主鬯未定實不聞有調護之深心而此時長君踐阼儘無取乎沾沾承奉之虛文矣見明史紀事本末

越三日丁卯

改越四日戊辰

帝召見大臣并及漣○按帝因漣有劾文昇一疏故召見部院吏科河南道外特及漣云見明實錄

再召大臣皆及漣○按光宗實錄八月癸酉召見惟賢從哲等於乾清宮甲戌大漸復召諸臣受顧命蓋八月二十八九日也所謂再召大臣者指此

且選侍昨於先帝召對羣臣時強上入復推之出○按八月乙卯光宗諭禮部封選侍爲皇貴妃至甲戌召

見羣臣復申前論語未旣選侍呼皇長子入趣之出
曰欲封后帝不語見明史紀事本末

羣臣遂退○按漣退時語內監王安等曰外事緩急在
諸大臣調護聖躬在爾等責有所歸復語錦衣帥駱
思恭嚴緹騎內外防護見明史紀事本末

御史馮三元極詆熊廷弼○按是時三元詆廷弼無謀
者八欺君者三詔下廷臣議見春明夢餘錄

漣疏論其事獨持平○按漣論廷弼疏云議經略者終
難抹煞其功憐經略者亦難掩飾其咎功在支撐辛
苦得二載之倖安咎在積弱難持悵萬全之無策見
明實錄所謂持平者指此

大學士從哲封還上諭○按從哲之封還上諭也帝再諭發鈔南京御史王允成糾從哲曰陛下發一諭不過如常人表明心跡耳而從哲輒敢封還司馬昭之心路人知之見明史紀事本末

亦上敬述移宮始末疏○按漣疏並言前此宸居未定則先帝付託爲重而平日之寵愛爲輕宸居已定既盡臣子防危之忠卽當體皇上如天之度因請於皇弟皇妹時賜慰安並酌加選侍恩數見明實錄

其年六月漣遂抗疏劾忠賢列其二十四大罪○按是時御史李應昇以內操諫給事中霍守典以忠賢乞祠額諫御史劉廷佐以忠賢濫廕諫給事中沈惟柄

以立枷諫忠賢皆矯旨切責漣于是憤極効之見春
明夢餘錄

孫愼行鄒元標以公義發憤○按二年四月愼行以紅
丸事力効方從哲元標相繼言之見明實錄所謂以
公義發憤者指此

忠賢初聞疏懼甚至遂令魏廣微調旨切責漣○按漣
疏旣上忠賢懼甚求解於韓爌爌不應遂趨帝前乞
訴且辭東廠而客氏曲爲剖析體乾等翼之遂溫旨
慰留而切責漣見明史紀事本末

先是漣疏就至遂於會極門上之○按漣被責後給事
中魏大中陳良訓許譽卿御史劉璞楊玉珂等太常

卿胡世賞祭酒蔡毅中撫寧侯朱國弼南京兵部尙書陳道亨侍郎岳元聲等七十餘人交章論忠賢不法皆不聽見明實錄

左光斗傳議兵屯議力田○按是時光斗並於河間天津設屯學試騎射爲武生給田百畝見屯田志

今日安敢私受

授受改

繼春用是得罪去○按繼春是時屢奉嚴旨切責令陳狀御史張愼言高弘圖連章求寬帝益怒奪愼言等俸旣而繼春回奏詞甚哀且隱雉經入井二語帝益窮詰令再陳言得之風聞乃除名永錮見春明夢餘錄

與漣俱削籍○按四年十月吏部尙書趙南星左都御史高攀龍致仕令別推可吏部都察院者及推上忠賢矯旨責漣光斗與陳于廷等黨比並削籍見明史紀事本末

魏大中傳楊鎬李如楨旣論大辟

至

抗疏力爭○按是

時廷臣急欲誅鎬等德完乃上疏請酌公論或遣戍立功或卽時正辟蓋設兩途以俟帝寬之且因薦順天府丞邵輔忠通政參議吳殿邦以二人嘗力攻李三才也及旨下果減死于是大中力爭之見明實錄御史黃尊素語鎮撫劉僑曰

至

獄辭無所連○按僑以治文言獄失忠賢指遂削籍以許顯純代之見明史

紀事本末

會孟冬時享

至

大中遂抗疏劾之○按廣微被劾上書

自理御史李應昇再劾之先是趙南星以年老奏免
早朝而應昇劾廣微疏引律祭享失誤杖一百之文
廣微乃言尙書可免早朝內閣失儀乃欲行杖耶遂
決意傾善類見明史紀事本末

周朝瑞傳貶秩調外○按是時帝責朝瑞要譽妄言降
一級調外文選司員外郎范景文申救不聽見春明
夢餘錄

十二月辛巳

至

天盡赤○按天文志天啟四年十二月

辛巳午刻非煙非霧覆壓日上摩蕩如蓋如吞通天

皆赤此敘於元年之後互異

朝瑞憤亦醜詆大化所司爲兩解之

改朝瑞憤亦醜詆之尙書王紀劾罷

大化

而大化爲魏忠賢腹心

改而大化旋以中旨起用

並逮下鎮撫獄

刪逮字

袁化中傳化中上疏劾輔臣方從哲○按化中劾從哲

疏言其占籍京師近習中涓皆其梓里柄政以來模

稜朋比並列其於移宮紅丸兩案觀望袒庇之罪見

明實錄

將挺而走險

挺改鋌

顧大章傳熊廷弼王化貞之下吏也○按廷弼化貞下

吏時大章已調禮部王紀重其才留之屬以大獄見明史紀事本末

王之宋傳於是刑部行薊州道提馬三道等疏請法司提龐保劉成對鞫○按是時太常少卿御史孟麟亦疏言宜力窮其事見明實錄

列傳第一百三十三

周起元傳忠賢遂矯旨削起元籍○按是時給事中李魯生承忠賢指劾起元遂削其籍

令其黨李永貞李朝欽

下增偽爲實奏四字

矯旨逮起元○按起元被逮時并逮松江知府張宗衡同知孫應崑見明史紀事本末

繆昌期傳會給事中孫杰至劾一燎及周嘉謨○按是年四月給事中霍維華御史安伸等交章劾一燎帝不問旣而維華外轉杰遂疑一燎屬嘉謨爲之上疏力攻而給事侯震陽御史陳九疇復劾之一燎四疏乞歸忠賢遂矯旨允之去見明實錄

向高亦內慙密具揭請帝允忠賢辭○按向高以密揭觸忠賢旋懼禍之及也揚言曰此非我意門生繆昌期迫我也由是與代草漣疏之說應而忠賢怒日深矣見明史紀事本末

具疏乞假遂落職閒住○按昌期嘗典湖廣試以趙高仇士良發策語侵忠賢又忠賢嘗乞墓碑於昌期昌

期叱却之忠賢愈怒及推掌南翰林院忠賢遣小璫至閣厲聲曰繆昌期仍留之送客昌期遂請告見春明夢餘錄

周順昌傳并質副史呂純如

副史改僉事

順昌乃自詣吏○按激變後有勸順昌自裁者順昌曰予小臣也敢引高公不辱之義哉遂自詣吏見靜志居詩話

周宗建傳五月雨雹

五改四

給事中郭鞏者先以劾廷弼被謫○按天啟元年廷臣復思起廷弼鞏力詆之並及閣臣劉一燝由是御史江秉謙劾其排擠勞臣乃被謫見明實錄

黃尊素傳三月朔京師地震三○按五行志及熹宗本紀四年二月甲寅京師地震宮殿動搖有聲銅缸之水騰波震盪三月丙辰戊午又震庚申又震是七日之內地震凡四矣此所載小異

燬以創重卒至無死法○按尊素疏中並言燬之杖也適與雨雹會六科廊之災也適與杖汝翥會何其呼吸相應若此見明實錄

河南進玉璽○按是時臨漳縣民邢一泰於漳河西畔得一玉璽方四寸厚三寸餘文曰受命于天既壽永昌巡撫程紹奏進略言秦璽不足徵請帝惟賢是寶任老成進忠直見靜志居詩話

事獲中止○按春明夢餘錄河南進玉璽時天子親御
文華殿璽貯御前忠賢手捧之憑軒頒示羣臣皆呼
萬歲傳制受賀而罷是其事固未嘗中止也

萬燦傳崇禎初贈光祿卿○按明詩綜所撰小傳作贈
太常少卿

汝翥懼逃之遵化○按是時汝翥投遵化或言汝翥葉
向高甥也羣奄遂圍其邸大譟向高上言二百年來
無中使圍閣臣第者臣不去何面目見士大夫帝優
旨慰留而命收回中使見明史紀事本末

萬燦附傳同官傳應昇者

昇改星
下同

列傳第一百三十四

滿朝薦傳諸惡黨多亡去

至

頗有所格傷○按是時永

黨王九功等齎重寶詐爲上供持兵器結陣行而所遣貢馬者已乘傳先發九功等急馳欲追及與俱出關朝薦見郵傳去久而九功等後至無驗遂遣民兵追之渭南殪數人盡奪其裝見明史紀事本末

江秉謙傳瀋陽旣失

至

力頌廷弼保危疆功○按是時

秉謙疏中並劾鞏排擠廷弼罪見明史紀事本末

會遼陽復失

至

鞏坐妄議奪官○按鞏奪官時並貶御

史馮三元張修德給事魏應嘉三秩給事姚宗文名

皆前劾廷弼者御史劉廷宣救之亦被斥見明實錄

當是時大學士沈淮

至

興內操○按淮是時密結朝等

奏言遼左用兵方急臣謹於東陽義烏諸邑募材官
勇士二百餘請以勇士隸錦衣而量授材官職朝等
方舉內操得奏大喜乃詔錦衣訓練募士而授材官
王應斗等游擊以下官有差見明實錄

侯震暘傳是時保姆奉聖夫人客氏至遂宣諭復入○

按客氏之出而復召入也侍郎陳邦瞻御史周宗建
皆先後力爭俱被詰責見明史紀事本末

大學士劉一燝

至

皆不納○按是時與一燝嘉謨等同

論救者爲侍郎王德完給事中李遇知御史方遠宜
見春明夢餘錄

恐東征將士聞而解體

征改方

王允成附傳謂如何國體

改謂如何國體何

爲無病之沈吟

沈改呻

詔劉進忠等五人

劉改李

誣天津廢將陳天爵交通李承芳

承改永

列傳第一百三十五

劉綎傳千崖

改千崖

參將鄧子龍擊斬罕虔於姚關○按鄧子龍傳子龍斬罕虔於姚關時並生禽招罕招色罕老及其黨百三十餘人斬首五百餘級

兵還至騰衝甲而譟焚民居○按明實錄兵還至騰衝焚城中民居一百七十餘家

詔革縱任以游擊候調○按革縱任緣撫按官奏縱受
思順金寶牙錦諸物又縱把總謝世祿夏世勳陳其
正等淫虐使其情甚不堪倉皇出奔宜治縱罪詳明
實錄

謫爲事官戴罪辦賊○按李化龍傳劉縱謫爲事官緣
化龍劾諸大帥不用命者縱與焉與此互異

詔革縱任永不收錄○按縱革任傳言緣化龍景雲奏
使使齎玉帶黃金事考明實錄景雲參縱驕恣侮慢
未及使使齎金玉事

縱兵四萬由寬佃佃改

副使康乾監之乾上增

應字○按康乾太祖高皇帝實錄作

康應乾

投崖死

改自縊死

李應祥傳故總兵郭成將敘馬兵抗其吭

抗改

時分兵八道○按八道謂烏江興隆及綦江南川合江
永寧沙溪偏橋龍泉詳李化龍傳

鄧子龍傳詔移子龍永昌○按明實錄時緬賊莽酋犯永昌騰越是永昌參將已裁革永騰獨守備一人撫臣劉世會請以湖廣參將鄧子龍爲永昌參將乾隆四十一年賜諡諸臣劉綎專諡忠壯

明史攷證攢逸卷二十四

明史攷證攬逸卷二十五

長洲王頌蔚編集

列傳第一百三十六

顏繼祖傳薊鎮王應豸

薊上增繼祖外則有五字

山東顏繼祖

刪此五字

列傳第一百三十七

朱燮元傳龍等遂反殺可求○按是時與可求等同遇害者爲參政駱日升李繼周知府章文炳同知王世科熊嗣先推官王三宅總兵王守忠參將王金王登爵等見明史紀事本末

遂合安綿副使劉芬謙

至

復新都○按是年十一月良

王先遣其弟民屏姪翼明發兵四千倍道先渡重慶營南坪關而自統精兵六千趨成都見明史紀事本末

遣人言賊將羅象乾欲反正

象乾改乾象下同

監軍僉事戴君恩令守備金富廉攻斬賊將張彤樊龍亦戰死○按土司傳及明史紀事本末燮元是時以計禽樊龍殺之張彤亦爲亂兵所殺生禽龍子友邦及其黨張國用等三十餘人遂復重慶與此互異

安氏世有水西

至

邦彥以故得倡亂○按邦彥安位之

叔父也素懷異志與崇明合至是因崇明反調兵水西邦彥遂挾位叛以應之見明實錄

副總兵秦衍祚等亦攻克遵義○按是時賊首尤朝柄
楊維新等據遵義衍祚與副將侯良柱督兵二千攻
克之見明史紀事本末

總理魯欽敗於織金○按欽於四年七月偕總兵劉超
拔賊巖頭寨破平茶又與總兵黃鉞分道深入邦彥
大窘西奔遂乘勝至織金斬獲無算及明年正月欽
等渡河還中伏敗死者數千人見明實錄

變元授計成名至合傾其巢○按是時廷彥分兵四應
力已不支變元復令羅乾象以奇兵繞其背急擊之
賊大驚潰見明史紀事本末

朱變元附傳賊大潰至遂拔蘭州○按三年五月崇明

奔入舊蘭州城羅乾象督兵破之埽其巢賊遂狼狽走見明史紀事本末朱燮元傳及石砭土司傳所載亦同此似以拔蘭州功專歸如珂矣

與總兵侯良柱

至

斬崇明及安邦彥○按是時四川巡

撫張論上功狀不及黔將於是總兵許成名等與良柱爭功朱燮元頗右黔將朝議不能決賞久不行至是川中撫按及羽健皆訟可訓與良柱功見明史紀事本末

李標傳而急遣總兵官張彥方

方改芳下同

烏撒土司安效良亦與通○按烏撒之陷也指揮管良相死之見明實錄

又先後攻陷廣州普定威清普安安南諸衛○按賊之攻普安安南也雲南都司李天常帥兵四千救之賊將羅應奎僞降誘至疊水鋪伏發全軍沒於是諸衛先後陷見明史紀事本末

王三善傳天啟元年十月至代李樞巡撫貴州○按土

司傳元年八月以王三善爲巡撫此作十月互異

遂奪龍里城○按賊黨洪邊土司宋萬化糾苗仲九股據龍里先此總兵張彥芳將兵二萬赴援皆隔龍里不得進至是奪之見明史紀事本末

三善渡渭河至師抵大方○按三年六月三善督兵禽

土司何中尉等進營紅崖連破天台水腳等七囤而

張彥芳亦破賊於羊耳追至鴨池河遂深入至紅鳥岡諸苗奔潰乃率師直抵大方見明史紀事本末

其愚故縱轡衝三善墜馬○按三善遇害後監軍御史傳宗龍以計獲其愚誅之見明實錄

蔡復一傳遣總理魯欽等救凱里○按凱里土司運道咽喉也邦彥結諸蠻困其城長官楊世蔚不能守復一乃遣欽及總兵劉超救之見明實錄

又遣劉超等討平越苗阿秩等秩改秧○按魯欽傳作阿

秧

贊

庶幾可方趙營平之制羌韋南康之鎮蜀者歟改厥績偉矣他

如復一之長驅采入志雖未竟其功固不可泯
標等力捍危城幾於市歲蓋尤封疆之所難云

列傳第一百三十八

孫承宗傳挺擊變起

變改獄

出典應天鄉試○按承宗文集典應天鄉試在神宗四
十三年

遂推爲兵部添設侍郎主東事○按是時明兵敗於西
平堡大清兵遂逼廣寧乃天啟二年正月事承宗之
拜兵部則在二月見明實錄

因列上撫西部

至

開京東屯田數策○按外國傳是時

插漢方揚言助明索餉至四萬兩傳所云撫西部蓋
指此考之地勢插漢疆界東接克什克騰以其在遼

陽之西故云西部也又考是年爲天啟二年於我朝
爲天命七年正當插漢反復時承宗故欲因而用之
耳

以懲四川之招兵致寇者○按明實錄天啟元年九月
奢崇明叛圍成都至次年四月圍始解承宗所云招
兵致寇當指此

然實無他長

長改才

以原官督山海關及薊遼天津登萊諸處軍務○按承
宗之督理諸軍務在天啟二年八月見明實錄

兵工二部相與謀曰至不如許而不與○按承宗督理
事宜自序以結釁大奄故志不得舒傳忠所云兵工

二部相與謀當卽承魏忠賢指也

令內閣擬旨

至

違者不宥○按是時首輔爲朱國禎未

幾卽致仕見明實錄

拓地復二百里

改邊境冀得稍息

廷臣爭請召承宗○按承宗之復召在是年十一月
圍數周

遂大敗於長山○按祖大壽被圍在是年八月宋偉等
長山之敗在九月見明實錄

子舉人鈐

至

皆戰死○按鈐等並入忠義祠

乾隆四十一年賜諡諸臣孫承宗專諡忠定

列傳第一百三十九

李標傳標遂爲首輔○按標於元年七月晉太子太保
文淵閣大學士見宰輔年表

溫體仁訐錢謙益至給事中章允儒廷駁之○按體仁
時以不與會推爲恨因疏劾謙益典浙試時受錢干
秋賄及帝廷詰其事體仁并訐諸臣植黨欺君允儒
時爲吏科遂於帝前力斥之事在崇禎元年十一月
見春明夢餘錄

劉鴻訓傳崇禎元年四月還朝

四改二

又詆鴻訓使朝鮮滿載貂參而歸○按是時弘勛並劾
鴻訓軍國大事未暇平章惟亟毀要典報復公行鴻
訓辨言臣寅冬起官旬日卽逐何德於忠賢而思報

之至要典一書海內忠義飲泣久矣臣安敢謂不當
毀見倪元璐所撰墓志

帝初甚向之至由是失帝指○按給事中韓一良嘗以
言事稱旨帝欲用爲僉都御史旋悔之鴻訓言王言
可惜不宜惜一官不聽見明史紀事本末

五月卒戍所○按鴻訓以崇禎五年正月卒於戍所見
倪元璐所撰墓志此作七年五月互異

錢龍錫傳捷遂上章指通款殺將爲龍錫罪○按永光
屢爲給事張國維御史毛羽健等十餘人交劾斥爲
忠賢遺黨遂謀引史莖高捷及袁弘勛自助三人方
家居因兩疏薦之帝特召用三人遂爲永光謀主欲

借崇煥事株連東林而首發難於龍錫見明史紀事本末

右中允黃道周

至

貶秩調外○按道周於三年冬上言

陛下臨御以來輔臣負重譴者九人矣龍錫爲罪督攀染苟致之死則邊將志驕而閣臣權絀帝責令回奏者再至四年正月復三疏爭之遂謫調見明史紀事本末四年十一月中允倪元璐有請宥道周一疏見元璐文集

錢龍錫附傳召拜禮部尙書兼東閣大學士參預機務○按士升之初入閣也溫體仁黨唐世濟以士升東林所附勸體仁亟收之體仁因引與其政是時次體

仁者吳宗達伴食而已王應熊何吾騶亦體仁所引
權盡歸體仁見明史紀事本末

何如寵傳如寵畏體仁六疏辭○按如寵屢辭召命給
事中黃紹杰奏從來君子小人不能並立如寵徘徊
瞻顧則體仁當知所自處矣帝責其率妄謫之外見
春明夢餘錄

何如寵附傳直講筵講畢

刪下講字

給事中論織造

改給事章允
儒論織造

象坤語葉向高講筵面奏之

刪之字

都城被兵

改都城
戒嚴

徐光啟傳時帝以日食失驗欲罪臺官○按崇禎二年

五月乙酉朔日食光啟依西法預推大統回回所推食分時刻與光啟互異已而光啟法驗帝因切責臺官見明史紀事本末

文震孟傳三年輔臣定逆案者相繼去國○按是年春相繼去國者爲錢龍錫韓爌李標等見明史紀事本末

震孟摘尤謬者數條疏請改正○按是時震孟因纂修熹宗實錄遂摘光宗實錄中國本槌擊紅丸諸案附會要典邪說者凡五條請取天啟三年所進遺稿再加勘定見春明夢餘錄

帝特擢震孟禮部左侍郎兼東閣大學士入閣預政○

按是時帝御中左門召翰詹九卿入見發御前章奏
試以票擬時與震孟同被命入閣者爲張至發見春
明夢餘錄

乘遭國變死於難○按乘入祀忠義祠

蔣德璟傳遂擢德璟及黃景昉吳甦爲禮部尙書兼東
閣大學士○按德璟等入閣時帝並責吏部曰會推
大典宜矢公愼今稱詡任情如房可壯張三謨宋玫
並與推舉豈大臣之道見明史紀事本末

戶部主事蔣臣請行鈔法○按臣本桐城諸生以陳鈔
法由戶部司務陞主事其初獻議也吏科給事中馬
嘉植爭之不聽見明史紀事本末

蔣德璟附傳召對稱旨

下增晉禮部尚書兼東閣大學士

與蔣德璟吳甦並相

相改命

方岳貢附傳瑜父民忠罵賊而死○按民忠入祀忠義

祠

之陶大罵曰

至

支解之○按之陶入祀忠義祠

贊

輔相至五十餘人

改輔相乃至五十人

列傳第一百四十

楊嗣昌傳侍郎遷安郭鞏以逆案謫戍廣西○按周宗

建傳郭鞏于逆案中削籍論配輸贖爲民後復爲兵

部尚書梁廷棟所劾下獄論死因嗣昌訟冤減死遣

戊與此互異

福建巡撫熊文燦者

福建巡撫改兩廣總督

○按文燦以崇禎元

年官福建巡撫五年爲兩廣總督兼撫廣東不當追稱福建巡撫也據文燦傳改

會總督洪承疇王家禎

禎改

○按王家禎自有傳不作

禎湯開遠傳亦作王家禎

薦人自代○按嗣昌所薦之人爲侍郎張福臻李若星吳甦及職方郎趙光抃見崇禎長編

刑部主事張若麒上疏醜詆道周○按宋玖傳作張若麒

遊騎北抵兗州

北改

○按兗州不在濟南之北且下文

方言北旋此作北抵誤

至州縣有司凡三十六人○按本紀作三十三人

崇禎初再增百四十萬

至

先後增賦千六百七十萬○

按食貨志崇禎三年增賦百六十五萬四千有奇不止百四十萬也勦餉共三百三十萬練餉七百三十餘萬合萬厯中所增亦不止千六百七十萬也志傳互異

未幾羅猱山敗書聞○按羅猱山本紀及左良玉傳作羅猴山張獻忠傳作羅家山並與此異

遣楊世恩羅萬邦勦汝才登相○按鄭崇儉湯九州傳羅萬邦並作羅安邦

二月七日與陝西副將賀人龍李國奇○按瑪瑙山之捷本紀作丙辰是月爲王子朔則丙辰乃二月五日非七日也李國奇左良玉傳作李國安並與此異其黨埽地王曹威等授首○按左良玉傳斬埽地王曹威卽傳所云授首也阮之錕傳曹威等出降與此異敗賊水石壩○按張獻忠傳作右石壩

賊魁整十萬及登相王光恩亦相繼降○按張獻忠傳穀城之叛十三家降賊一時並叛惟王光恩不從其時嗣昌尙未督師則光恩本不從叛不應於此時始降也二傳互異

良玉寢驕

寢改寢

良玉當退守興安○按興安左良玉傳作興平

進太子少傅○按宰輔表嗣昌以十三年九月晉太子少保不言少傅與此互異

發其七世祖墓○按綏寇紀略云發楊氏兩世冢與此異

吳牲傳奉命振延綏饑○按牲振饑延綏在崇禎四年正月見崇禎長編

延儒許復其冠帶○按章正宸傳延儒欲以守涿功復馮銓冠帶正宸爭之乃止與此互異

以五月辭朝○按牲以五月晉太子少保改文淵閣見宰輔表

贊

明季士大夫問錢穀不知問甲兵不知於是嗣昌以才
顯然迄無成功者得非功罪淆於愛憎機宜失於遙
制故耶吳甡按山右有聲及爲相遂不能有爲進不
以正其能正邦乎抑時勢實難非命世才固罔知攸
濟也改嗣昌以議兵議餉緒主知而卒至厲民縱寇
明事遂不可爲豈非巧宦之才有餘經國之略
不足耶甡才僅足捍一隅而顧於危急之時委以天
下之重其不敢任也固宜然較債軍誤國者則差有
閒矣○按嗣昌厲民縱寇致明事無可復爲其咎甚大
原贊作抑揚之辭又不摘其過失殊未允當

列傳第一百四十一

王應熊傳并劾四川巡撫馬體乾○按樊一蘅耿廷錄

傳俱作馬乾無體字

其部將會英最有功○按曾英樊一蘅傳作曹英

張至發傳十四年夏帝思用舊臣特敕召周延儒賀逢
聖及至發○按宰輔表作十四年二月召張至發與
此互異

辭國觀傳東廠太監王德化在側○按王德化明史紀
事本末作王化民

給事中劉焜芳復劾莖侵盜有據劉改張

止奪炳芳官候訊炳改焜

程國祥附傳遺譏海內遺改胎

萬厯四十四年進士天啟四年以編修典湖廣試改天啟二

年進士改庶吉士授
編修四年典湖廣試

御史楊仁願徐殿臣劉之渤相繼論劾渤改○按劉之

勃自有傳不作渤

魏藻德附傳薦進士石崧崧改

大清召爲內院大學士改降於我大清授

贊

天下治亂係於宰輔自溫體仁導帝以刻深改國家治

人自溫體仁以愷邪
秉政導帝以刻深

明史攷證擴逸卷二十五

明史攷證攬逸卷二十六

長洲王頌蔚編集

列傳第一百四十二

喬允升傳徐石麟坐議獄落職閒住

麟改

○按徐石麟

自有傳此作石麟誤

孫居相傳復以私意出宋槃潘之祥於外○按宋槃鄭繼之傳作李槃

中書張光房等五人○按張光房馬孟禎傳光作先

於是過廷訓

廷改

○按夏嘉遇翟鳳翀等傳廷作庭此

誤

孫居相附傳亦有名東林中

改亦有
名於時

陳于廷傳文選郎張可可改

光

鄭三俊傳近日麋瀾荼毒麋改

麋

李日宣傳河南道御史張煊○按徐石麒傳作張瑄

張瑋附傳仍分遣中官盧維寧等○按張鳳翼傳作羅

維寧

列傳第一百四十三

劉宗周傳蓋習爲頑鈍無恥蓋改

益

武清伯蒼頭毆諸生伯改

侯

朝廷日隳

廷改

則廷臣之累累若若累累改

累累

又何以謝韓爌張鳳翔李邦華諸臣之或戊或去戊改

戊

錦衣膏梁子弟

梁改梁米

面訐諸奸

計改詰

黃道周傳有刑部主事張若麒○按宋玫傳作張若騏乃永成廣西○按周延儒傳云道周方謫戍辰州與此互異

乾隆四十一年賜諡諸臣劉宗周專諡忠介黃道周專諡忠端賴雍蔡紹謹趙士超通諡忠愍

列傳第一百四十四

崔景榮傳劾東廠太監張鯨罪○按神宗十六年御史何出光劾鯨罪當死不聽景榮乃與給事中陳尙象吳文梓楊文煥御史方萬策相繼論列仍不聽見宦

明史紀事本末
卷一百一十六
官傳

御史方震孺請罷景榮以孫承宗代之○按天啟元年遼瀋相繼失舉朝洶洶廷臣皆以孫承宗知兵乃如方震孺請罷景榮見孫承宗傳

黃克纘傳論劾稅使陳增馬堂○按明神宗二十五年命太監陳增稅東昌馬堂稅臨清克纘劾之不報見明史紀事本末

克纘奏辨○按源溥劾受賕骹法克纘乃疏辨見焦源溥傳

畢自嚴傳山東白蓮妖賊起○按天啟二年山東徐鴻儒以白蓮教惑眾倡亂於兗鄒諸郡縣見明史紀事

本末

李長庚傳代閔洪學爲吏部尙書○按崇禎五年八月閔洪學免十二年長庚始任吏部尙書見明實錄

劉之鳳傳又請亟罷內操忤魏忠賢傳旨切責○按之鳳疏中有虎符重兵何可倒戈授巷伯之手僅令劉瑾擁甲士三千能束手就禽等語忠賢惡之乃與御史李應昇黃尊素等皆矯旨切責見明史紀事本末遂代鄭三俊爲本部尙書○按明崇禎十一年三月鄭三俊以事下獄四月之鳳代爲本部尙書見明實錄時有火星之變○按明崇禎十一年癸惑自春至夏守尾百餘日四月己丑行尾八度揜於月五月丁卯退

尾漸入心見天文志

列傳第一百四十五

張鶴鳴傳化貞已棄廣寧遁○按明天啟二年正月大兵西渡河攻西平堡王化貞盡發廣寧兵付遊擊孫得功參將祖大壽令會總兵祁秉忠往援遇於平陽橋鋒始交諸軍皆走化貞單騎西奔於是廷臣舉劾鶴鳴乃罷歸見廷弼傳

董漢儒傳帝賜福王莊田責湖廣四千四百餘頃○按明神宗四十二年福王就封洛陽賜莊田四萬頃中州腴土不足乃以山東湖廣田益之後以田數實不能撥給因葉向高之言減二萬見明實錄傳所云責

湖廣田當指此

趙彥傳先是薊州人王森至倡白蓮教○按明史紀事

本末王森深州人與此異

王洽附傳坐張慶臻改敕書事削籍歸○按明崇禎元年十月惠安伯張慶臻總督京營敕內有兼轄捕營語舊例督京營者不轄巡捕軍給事中張鼎言李道斯等劾慶臻行賄於是遣閣臣劉鴻訓戍代州在晉削籍見劉鴻訓傳

梁廷棟傳五月永平四城復○按七卿表作七月

陳新甲傳會大清兵深入內地詔新甲受代

深入內地改三路南

下○按是年六月起新甲制中九月大兵南下新甲

家四川其時實未至也見盧象昇傳

戮辱我親藩七不甚於薄城耶

七改豈

○按戮辱親藩蓋

指新甲任兵部時襄福二王被難而言但句中七字與上下文俱不貫考明崇禎本紀流寇之禍親藩被害者襄福而外則有貴陽王至秦王之降楚王之沈於江皆崇禎十五年後事新甲以十五年八月誅安得論及

馮元飈傳時鳳陽皇陵燬○按陵寢之變時大赦元飈請復先後建言諸臣湯開遠金星曜華允誠黃道周等官又崇禎十年正月朔日食元飈復指斥內閣皆不納見明實錄

列傳第一百四十六

許譽卿傳賊在秦晉時

賊上增言字晉下刪時字

魏呈潤傳請與萬齡棄西市之俊由是廢

棄上增同字由是改遂

魏呈潤附傳劉文忠監餉大同○按張鳳翼傳作劉文

中

又命王應期監軍關寧○按本紀及宦官傳並作王應

朝

又命吳直監餉登島○按本紀作呂直

李茂奇監茶馬陝西○按本紀作李奇茂

吳執御傳畢茂康

茂改懋

○按畢懋康自有傳此誤懋爲

茂

黃紹杰附傳遂貶官○按世祺貶福建按察司檢校且追罪文選郎吳鳴虞考選非人亦貶三秩見崇禎長

編

熊開元傳帝益怒

下增日字

乃便彼行私

便上刪乃字

湯開遠傳開遠疏諫曰○按明史紀事本末以開遠疏屬崇禎二年與此異

與子給事鼎延○按張鼎延見武大烈傳作吏部郎中綏寇紀略亦作吏部郎與此互異

成勇傳安樂人

改樂安人

中外薦者十餘疏

刪薦者二字

以御史張瑋言

以下增副都二字

○按張瑋舉成勇時官左副

都御史見瑋本傳

陳龍正傳或中監

監改鹽

○按原疏作中鹽蓋明時鹽制

據龍正文集改

乾隆四十一年賜諡諸臣華允誠通諡節愍

列傳第一百四十七

楊鎬傳經略朝鮮軍務○按鎬之經略朝鮮在明神宗二十五年三月見明實錄蓋失事未幾旋即擢用耳賴沈維敬就禽鄉導乃絕○按維敬以奉使封倭與平秀吉相結至是總督邢玠發其奸執送麻貴營詳見朝鮮傳所云鄉導絕者蓋指此

趣總兵官張承允往援

允改蔭下同

東南則以劉綎出寬奠由涼馬佃擣後

奠改甸涼改甸佃改甸

○

按方輿紀要涼馬甸亦曰涼馬臺在松子嶺東北此作涼馬佃誤

熊廷弼傳江夏人○按題名牌廷弼南昌人

棄寬奠新疆八百里

奠改甸

○按寬甸之建堡係萬厯初

閱邊侍郎汪道昆定議成梁以其孤遠難守棄之故傳云新疆也詳見本傳

未出京開原失○按大兵克開原在明神宗四十七年六月廷弼經略之命卽在是時蓋開原已失特軍報未達耳

而化貞所遣都司毛文龍已襲取鎮江○按毛文龍襲取鎮江在天啟元年八月見明實錄

廷弼令汪文言賄內廷四萬金祈緩旣而背之魏忠賢

大恨

改中書汪文言哀廷弼冤奔走公卿間爲營救忠賢聞之大恨

○按文言納賄

事乃梁夢環藉是以興大獄欲并害楊漣左光斗等閹黨傳所載甚明其實廷弼性剛負氣旣非屑於行賄之人文言雖非正人然名隸點將錄亦與忠賢素不相習傳直云廷弼令文言賄內廷四萬金不知何據且以忠賢之力若果有此說亦何難并免其逮治而求緩須臾耶觀後韓爌等稱廷弼不愛一錢不通一饋諸語更可證此事之誣蓋當時文言力爲援救

因觸怒忠賢而速之死則有之耳

袁崇煥傳東莞人○按題名碑崇煥藤縣人

十三山難民十餘萬久困不能出○按十三山在廣寧衛西南七十里乃驛名又堡名也其西八十里達錦州之小凌河見方輿紀要其時化貞失事難民之未盡入關者皆屯於此故崇煥籌及之

崇煥召至於邊親撫慰○按撫喀刺愼三十六家之議發自王象乾見外國傳

以其狀上聞至時崇禎二年五月也○按崇煥之誅毛文龍明本紀作崇禎二年六月與此互異

乾隆四十一年賜諡諸臣張承蔭趙率教羅一貫通

諡忠烈頗廷相鄒儲賢賀世賢尤世功陳策童仲揆
李秉誠梁仲善姜弼朱萬良劉渠祁秉忠通諡烈愍
王命印王元雅朱國彥吳阿衡通諡節愍袁應泰通
諡忠節

明史攷證攬逸卷二十六

明史攷證攬逸卷二十七

長洲王頌蔚編集

列傳第一百四十八

楊鶴傳大吏惡聞賊○按明史紀事本末大吏爲巡撫陝西都御史胡廷宴

延綏兵中道逃歸至並合於賊○按毛奇齡集是時西撫耿如杞以邊兵五千勤王赴京兵部調守通又調守涿又調守昌平功令兵到日不開糧至次日乃開而邊兵以連調三日不得糧餒且譁如杞以譁得罪五千人哄然而歸與羣盜合延安至慶陽城堡俱陷鶴不以聞

已撫王左掛○按王左掛以三年二月杜文煥招降見綏寇紀略

陳奇瑜傳賊見官軍肆集

肆改四

悉遁入興安車廂峽

廂改箱

○按明一統志作車箱峽

熊文燦傳授貴州推官

貴改黃

先是海寇鍾靈秀

靈改凌下同

懼而叩太和山提督中官○按太和山提督中官係李

維政見明史紀事本末

惟革左及馬光裕三部

裕改玉

初張獻忠之降也○按獻忠之降文燦受其賂壞貨累萬萬文燦以閩海撫賊得重賄襲故事行之穀城日

責其寶賂獻忠曰此欲鄭芝龍我也文燦旣得所欲爲之請官請餉請關防惟恐不滿其意而獻忠故爲要求以逞其恣睢見綏寇紀略

丁啟睿傳代鄭崇儉總督陝西三邊軍務討賊○按上召嗣昌問曰陝撫丁啟睿何如人嗣昌曰秦督撫承疇傳庭與之其事久皆稱其才必可用上頷之見綏寇紀略

鄭崇儉傳崇儉乃檄副將軍賀人龍李國奇等軍發西安○按崇儉發西安士馬單弱以曹變蛟請上不許見綏寇紀略

而疆事寢壞

寢改寢

邵捷春傳禽擊奉鐸

擊改繫

○按明史紀事本末作禽繫

此作擊誤

思岱譖殺茂選○按綏寇紀略言思岱譖茂選於捷春
捷春召令計事而戮之與此異

余應桂傳文燦再糾應桂○按文燦再糾應桂曰南中
人譁傳獻忠反如應桂等流言挑搆奈國事何上乃
下其書於刑部并按之文燦知上將以安新附必重
論應桂而又慮獻忠反覆此書可以歸獄事成則已
收其功不成則應桂開其釁於是朝士皆冤應桂而
謂文燦已甚見綏寇紀略

張任學傳入爲御史○按任學麤疏寡學術好以其官

矜倨朝士多羞之弗與交見綏寇紀略

乾隆四十一年賜諡諸臣余應桂通諡忠節

列傳第一百四十九

盧象昇傳京師戒嚴○按是年十月大兵分三道入大安口參將周填戰沒入龍井口參將張安德等敗走入馬蘭口參將張萬春降遂圍薊州見明實錄所云戒嚴蓋指此

代蔣允儀撫治鄖陽○按允儀於七年四月以賊陷鄖西竹山等縣逮問故以象昇代之見明實錄

於是迎祥圍廬州不克○按是時高迎祥與李自成合兵攻廬州不克象昇大敗之滁州朱龍橋見流賊傳

此但云迎祥省文也

有詔入衛○按是年六月大兵入喜峰口七月破昌平
寶坻文安永清等縣至九月旋師時莊烈徵山東西
關寧諸鎮兵救援故象昇入衛

進師至鉅鹿賈莊○按賈莊之戰在崇禎十一年十二
月見明實錄

劉之綸傳及冬十一月三日三改四○按本紀是年十一

月壬午朔大兵破遵化則在乙酉是十一月四日也
傳作三日誤又考滿桂孫祖壽之敗沒在十二月丁
卯是月辛亥朔以干支計之爲十七日傳亦未敘明

還至蘆溝蘆改盧

時永平已陷○按大兵破永平在崇禎三年正月甲申以干支考之爲正月四日傳類敘於二年十二月之後未晰

御史董羽宸劾其行留

行改逗

乾隆四十一年賜諡諸臣曹文詔專諡忠剛盧象昇專諡忠肅劉之綸通諡忠烈盧象觀金聲邱民仰通諡忠節

列傳第一百五十

傳宗龍傳貴州巡撫王三善爲降賊陳其愚所紿敗歿
○按蠻司合志安邦彥圍貴州朝命以王三善代李
標爲巡撫三善忠勇屢敗賊眾斬獲無算而總督楊

述中主撫與三善不合會安邦彥遣陳其愚詐降三善謂楊督旣立撫局勢難自異因受降卒爲其愚所害

帝以復一新敗令解官○按復一之敗亦在五年見朱變元傳

用小故奪官矣○按明實錄宗龍爲總督以崇禎七年兵科給事中常自劾効其赴援逗遛奪官歸

遂釋之出獄○按丁啟睿畏李自成不敢擊上乃於五月十九日出宗龍於獄宗龍老矣部曲皆滇黔人於西北非所習識者固策其不效見綏寇紀略

斲其耳鼻死城下○按賊傷宗龍右脇抉目削鼻城上

礮起賊退家人盧三負宗龍入城乃絕項人斂之天

吉寺見綏寇紀略

汪喬年傳威震河雒

威改勢

米脂令邊大受○按任正縣志作邊大綬

河閒靜海舉人

靜海改任正

孫傳庭傳始遷驗封郎中

遷改起

是爲崇禎之十一年春也

春改冬

縛援勦總兵賀人龍

至

數而斬之○按傳宗龍汪喬年

之沒帝深怒人龍而人龍米脂人親族多在賊中欲

誅之而未可輕發及傳庭出帝授以意佯貰其死執

斬之見明史紀事本末

傳庭出師潼關○按綏寇紀略傳庭出潼關賊有說之者曰公不奉駐洛陽之旨乎洛陽故址未毀修築半月可畢流離之民聞洛陽復定不召自集公於此儲糗糧開屯田進戰退守經略中原此祖述之鎮雍正宗澤之復東京也不聽

賊大至○按是時降盜李際遇陰通賊故賊大至見明史紀事本末

不得已還軍迎糧○按先是傳庭退軍時自成兵政侍郎邱之陶相國瑜之子以蠟書通曰督師第與戰我當詭言左兵大至以搖賊心賊必反顧督師隨其後我從中起賊可禽也傳庭報以書爲自成所得故傳

庭苦戰反墮賊計而之陶被殺見毛奇齡文集

我師陣稍動

我師改官軍

贊

傳宗龍孫傳庭遠近相望倚以辦賊汪喬年楊文岳奮

力以當賊鋒

改宗龍喬年文岳皆能奮力以當賊鋒

傳庭敗死賊遂入關勢以愈熾存亡之際所係豈不重

哉

改傳庭竭忠盡瘁才更出諸人上乃爲楊嗣昌所沮卽偏裨勞績亦多格不上聞忌功掣肘其誤國

甚矣況加以詔書之趣戰遂致南陽一敗賊勢愈張明季之亡實決於此豈得盡諉之天意哉

乾隆四十一年賜諡諸臣孫傳庭專諡忠靖汪喬年

黨威楊文岳王世琮通諡忠烈張國欽張一貫孫兆

祿賈悌馮名聖孫枝秀黑尙仁喬遷高通諡烈愍曹

思正傳汝爲朱國寶文師頤任光裕通諡節愍

列傳第一百五十一

宋一鶴傳嗣昌卒丁啟睿代○按嗣昌卒丁啟睿代一鶴不知連疏請設督師劾左良玉驕橫而薦范景文吳甡惠世揚堪代嗣昌見明實錄

遂攻承天歲除

改歲除
改承天

城陷

改城
遂陷

後復殺之○按振聲以通書孫傳庭故殺之見明史紀事本末

馮師孔傳師孔投井死○按是時諸將白廣恩左光先陳永福等皆降惟榆林王世國世臣尤世祿李昌齡

不屈死見毛奇齡集

悉輸王所有餉軍與其齎盜賊平益封王各一子如親

王

改宜悉輸王所有與其齎盜何
不享軍封王各一子如親王

○按與其齎盜語

意未完原疏作宜悉輸王所有與其齎盜何不享軍
文義較明據倪元璐文集改

賊果破秦悉爲賊有焉○按賊逼西安川兵五千人助
防兵無冬裝或勸秦王人給一棉衣弗應見綏寇紀
略

蔡懋德傳懋德攝兩司及三道印○按懋德在山東有
泰安知州餽以金帶懋德提所束帶示之曰吾十餘
年一銅帶耳且此何地而得此州大慚解綬去見毛

奇齡所撰傳

懋德連章告急○按懋疏曰賊聚而攻我散而守是以一往無堅城也自今以往請分發禁旅并調眞定大營諸兵合之晉眾背關一戰尙可有爲疏入不報見毛奇齡所撰傳

於是山西巡按御史汪宗友上言曰○按懋德守平陽宗友以羽書致懋德歸太原及平陽陷思委罪於懋德乃爲此奏見魏禧文集

衛景瑗傳徵授御史○按景瑗任御史時楊嗣昌議加餉景瑗抗疏力爭謂天下安危視百姓利病邇者兵燹旁午旱蝗洊臻奈何加征以促之見汪琬類稿

自縊於僧寺○按是時大同總兵朱三樂亦自刎死見
明史紀事本末

朱之馮傳笑語諸守監曰○按守監係王則堯褚憲章
見明史紀事本末

龍文光傳數日而城陷○按文光謀設守遣人決都江
堰水注錦江以益城壕將以禦賊乃水至而城已破
見毛奇齡集

劉之勃傳則以一人而縻千百人之餉

縻改縻

帝皆納其言○按之勃曾劾勦寇總督丁啟睿保定總
督張慶臻河南巡撫高名衡山東巡撫王公弼皆庸
劣無能帝以臨敵不宜更易不納其言見明實錄

贊

遂有三秦

遂有改竊據

乾隆四十一年賜諡諸臣蔡懋德專諡忠恪蕭漢林
日瑞郭天吉馬爌應時盛陳士奇王行儉王錫龍文
光劉之勃通諡忠烈馮師孔衛景瑗朱之馮通諡忠
節宋一鶴沈壽崇哈維新姚世儒趙建極畢拱辰孫
康周楊家龍劉必達王孕懋徐有聲顧景劉佳引劉
士斗通諡烈愍黃綱章尙綱吳從義崔爾達藍臺羅
俊傑趙宦毛文炳蘭剛中范忠泰房之屏閭夢夔侯
君昭朱三樂朱家仕李倬朱敏泰甯龍董用文劉九
卿申以孝陳纁劉鎮藩通諡節愍

列傳第一百五十二

賀逢聖傳同鄉官將揭白廷弼之冤○按同鄉官爲梅之煥馮朝薦等見明史紀事本末

十一年致政

至

明年再致政○按逢聖之初致政也以

申救詹事黃道周與首輔張至發議多忤其再致政也以與蔡國用不合見崇禎長編

賀逢聖附傳亨龍執而獻之

改亨龍執以獻

南居益傳帝以疾詔免礦稅釋繫囚錄建言貶斥諸臣

○按是年二月帝偶不豫召輔臣沈一貫諭以起廢釋禁罷礦稅諸事翌日上安亟令追之太監田義諫曰諭已頒行不可反汗上怒幾欲手刃義一貫恐亟

繳前諭見明史紀事本末

王家禎傳言者謂家禎奉命討安慶賊未嘗一出中州
○按言者爲給事中羅志儒見明實錄

焦源溥傳疏上舉朝寒懼○按源溥原疏并劾黃克纘
受賕骹法克纘憤疏辨亦劾源溥源溥再上疏劾之
并及府丞邵輔忠見明實錄

李夢辰傳都御史唐濟世薦霍維華

濟世改世濟

○按唐世

濟以崇禎七年八月任都御史見七卿表

有持金囑中書舍人某賄大學士求爲副都御史者○

按中書舍人係王彥陞大學士係薛國觀見明史紀
事本末

王道純傳言銓除舉劾考選甲乙科太低昂○按是時京官非進士不得考選推知則舉貢皆行取然天下守令進士十三舉貢十七推知行取則進士十九舉貢十一而舉貢所得又皆有臺無省多南少北故道純以爲言見選舉志

乾隆四十一年賜諡諸臣賀逢聖專諡忠愍呂維祺專諡忠敬傅冠南居益焦源溥通諡忠烈南企仲周士樸王家禎焦源清李夢辰宋師襄麻僖王道純田時震通諡忠節南居業通諡烈愍呂經祐朱崇德通諡節愍

列傳第一百五十三

倪元璐傳四年進右諭德○按是年元璐上言前中允黃道周以謬謬承貶前府尹劉宗周以清介投閒天下本無人有其人又不能用誰爲陛下奮其忠良者上不聽見明史紀事本末

其伸公議則詆張捷薦呂純如謀翻逆案事○按帝召對廷臣於平臺問誰堪冢宰總憲者吏部侍郎張捷曰臣之所舉與眾不同問之則前兵部呂純如也且力言純如之長冢宰非純如不可見明史紀事本末

李邦華傳並分設之營

並改并

王家彥傳奉命巡青○按家彥巡青論救前巡視科道馬思理高倬及監督主事王瀾初江之遠事多議行

見明史紀事本末

施邦曜傳邦曜繫香母誘之香就禽○按熊文燦傳言
劉香爲鄭芝龍所擊勢蹙自焚舟溺沈此云爲邦曜
誘禽彼此互異

明史攷證擴逸卷二十七

明史攷證攬逸卷二十八

長洲王頌蔚編集

列傳第一百五十四

馬世奇傳嚴東伍部

改部伍

世奇端坐引帛自力縊乃死○按世奇之死也焚冠帶於庭以司經局印屬僕曰上如出幸以此上行在見明史紀事本末

吳麟徵傳麟徵在諫垣直聲甚著○按是時河決蘇家嘴淮揚諸邑悉被災督漕侍郎李待問不能治麟徵極論其罪吏部郎中牟道行左遷太平知府麟徵言道行貪並不當守郡建安令徐爾驛用賄首薦贖麟

明史紀事本末
徵發其奸並劾湖廣巡按白士麟廣建生祠罪諸人多獲譴同官章正宸以劾王應熊下詔獄麟徵論救之見明史紀事本末

劾吏部尙書田唯嘉賊汙

唯改維下同

○按維嘉以十年三

月任尙書四月罷見七卿年表此作唯嘉當誤

再遷刑科給事中○按麟徵居刑科時故相文震孟卒所司不敢聞麟徵爲請卹見明史紀事本末

起吏科都給事中○按麟徵掌吏科時吳昌時以年例出言路十人於外麟徵與御史祁彪佳劾其挾勢弄權見春明夢餘錄

祝孝廉名淵○按祝淵海寧人乙酉閏六月大清兵平

杭州與行人陸培舉人周宗彝及弟啟琦進士俞士良死之見浙江通志

薊遼總督王永吉

至

獨疏昌言弗省○按永吉之請在

十七年二月帝始以爲然令本兵具奏演言錦州告變寧遠必不可調帝召廷臣會議不決獨成國公朱純臣戶部尙書倪元璐刑部侍郎金之俊以爲當調而麟徵爭尤力退復獨疏言之演復請下永吉等議永吉等皆以撤兵爲便帝乃俞之而已無及矣見明史紀事本末此作麟徵獨疏昌言帝弗省小異

劉理順傳疏陳作士氣矜窮民簡良吏定師期信賞罰招脅從六事○按理順疏陳六事帝下所司議行因

蠲畿輔山東逋賦見春明夢餘錄

吳甘來傳甘來擢刑科給事中○按戶部尚書畢自嚴以失察行取知縣鄭友元逋項被責飾辨觸帝怒下獄御史李若讜疏救不納甘來抗疏論救乃釋之見自嚴本傳又按甘來爲刑科時吏部侍郎張捷薦逆案呂純如甘來疏爭且劾捷罷之見春明夢餘錄

王章傳劾罷巡撫劉鎬貪惰

改巡撫劉鎬貪惰劾罷之

又所部十道監司

刪又字

襄城伯李國禎

禎改

○按功臣世表作李國禎

時亨倉皇下馬跪

至

誰敢犯○按福王立時亨奔南京

與周鍾武愆皆以從逆伏誅見明史紀事本末

陳良謨傳時流寇大入蜀○按是時督師楊嗣昌議盡驅賊入蜀蹙而殲之檄諸大帥環集鄖襄良謨曰是以蜀爲壑也乃躬閱關隘飭將吏爲堵剿計見綏寇紀略

良謨嘗夢拜文文山於堂文山揖之上

文山俱改天祥上下增日字

何下拜爲

刪下字

成德傳德道中具疏極論體仁罪而震孟已被體仁擠而去之○按是時給事中許譽卿劾體仁納賄庇私會謝陞以營求北缺劾譽卿體仁擬旨降調而故重其詞帝果削譽卿籍震孟與何吾騶力爭體仁遂許奏震孟言官罷斥爲至榮語帝大怒逐震孟並罷吾

騶見春明夢餘錄

出而自縊○按德殉難時繼妻霍氏及甥李成龍皆自縊死一子方六歲成德撲殺之乃自盡見畿輔通志
德父文桂遇害○按文桂賜祀忠義祠

許直傳有族子德溥者至事發死西市○按德溥賜祀忠義祠

金鉉傳始起兵部主事○按鉉是時任車駕司主事見明史紀事本末

未幾勛以宣府下賊

下改降

鉉自經○按鉉賜祀忠義祠

右范景文至鉉二十有一人皆自引決其他率委蛇見

賊改自范景文至鉉二十一人皆自引決其他自成國公朱純臣大學士魏藻德以下率委蛇見賊

宣城伯衛時春○按時春崇禎時掌後府京城陷懷鐵券闔門十七人皆赴井死功臣世表及衛青傳皆同表作時泰誤

有司春秋致祭至

特爲賊拷死

改然李國楨朱純臣顧鉉彭瑄俞志虞輩特爲

賊拷死

○按是時如李國楨朱純臣皆爲賊拷死見朱

能李濬傳及功臣世表流賊傳

姚成

至

城陷自縊死○按成賜祀忠義祠又按是時中

書舍人滕之所阮文貴經歷張應選咸投御河死經歷施溥仰藥死儒士張世禧二子懋賞懋官自經死又東宮侍衛周鏡都指揮王國興指揮同知李若珪

順天府知事陳貞達皆自經死千戶高文采守宣武門城陷一家十七人皆自殺元明史紀事本末

乾隆四十一年賜諡諸臣王之斌徐標楊崇猷通諡忠節徐有聲朱廷煥周之茂通諡烈愍陳純德俞志虞顧肇迹鄧文明薛濂宋裕德吳道周方履泰李國祿甯承烈宋天顯于騰雲馬象乾通諡節愍

列傳第一百五十五

張伯鯨傳微服遁還○按明史紀事本末云賊殺守門御史王章守卒蟻墜伯鯨於是走匿民舍

范淑泰傳淑泰發其停匿章奏狀○按停匿章奏楊一鵬王應熊傳謂其改填月日與此微異

十二月大清兵圍兗州○按太宗文皇帝實錄云崇德七年十二月兵圍錦州莊烈帝紀亦第言崇禎五年十二月大清兵趨曹濮俱未及兗州

高名衡傳名衡集眾守○按明史紀事本末名衡集眾守時賊兵礮及城中殺傷相繼軍餉告匱周王恭枬出庫金五十萬買米麥至懸金募死士謂能擊死一賊者予五十金

帝以陷福藩罪詔逮仙風○按明史紀事本末背城而戰時一日三捷至仙風被逮聞之卽自縊

士大夫堊富

刪大字

內堅緻而疏外

下增十五年正月五字

大康

改太康

帝詔釋故尚書侯恂於獄

刪帝字

命督保定山東河北湖北諸軍務

刪諸字

次於朱仙鎮○按諸軍次朱仙鎮時生馘三十三人斬一千七百十有八級城乃克全見綏寇紀略

名衡永福

至

守益堅○按守汴日志時任濬守曹門吳

士講黃澍協守曹門王燮守北門桑開第曹坤張文光協守北門梁炳守東門譚國禎協守東門蘇壯守西門名衡與永福守南門

王燮以舟迎王○按明史紀事本末云侯恂以舟迎之綏寇紀略亦云侯恂率總兵卜從善以舟迎王與此

互異

加名衡兵部右侍郎○按守汴日志作左侍郎

名衡辭以疾○按守汴日志仍賞銀四十兩

徐汧傳汧與廷樞斂財經理之○按明史紀事本末云
周順昌被逮諸生五六百人於巡撫毛一鷺前懇其
疏救廷樞與焉

徐汧附傳首已墮聲從項中出益厲

刪此十字

鹿善繼傳吾復何憾

吾改夫

乾隆四十一年賜諡諸臣耿蔭樓辭一鶚通諡節愍
宋玫高名衡徐汧楊廷樞通諡忠節范淑泰通諡忠
烈

列傳第一百五十六

曹文詔傳追至隴安○按追至隴安及後文追至靜寧
考本紀係五年四月事傳內敘事俱詳年月此略之
蹂躪汾州太原平陽○按本紀謂陷大寧澤州壽陽與
此互異

餘黨爲猛如虎逐走○按文詔斬混世王於碧霞村時
猛如虎亦與有功不僅追逐餘黨也事詳猛如虎傳
卽令擊賊隨州文詔追斬賊三百八十有奇○按本紀
文詔斬賊於隨州係八年二月事此云三月紀載互
異

黃得功傳得功破夢庚於銅陵○按史可法傳得功於

四月朔敗良玉軍此云四月良玉死得功趨上江禦
夢庚軍紀載互異

乾隆四十一年賜諡諸臣曹文詔專諡忠果李全通
諡節愍周遇吉專諡忠武黃得功專諡忠桓

列傳第一百五十七

艾萬年傳點燈子入山西萬年從文詔連敗之○按點
燈子卽趙勝初起於清澗之解家溝奔突韓城宜雒
閒秦撫練國事以四月三日敗之於中部四月內屢
克之於郃陽韓城柳村上峪口俘斬一千六百有奇
賊乃於七月夜半渡河入晉見綏寇紀略

從參政樊一衡討平不沾泥○接不沾泥原名張存孟

以是年四月攻米脂葭川一蘄與萬年及總兵王承恩等率三千人壓其巢命孫守法遮絕河津賊逃至含峪爲馬科所躡過河守法親禽之見明史紀事本末

復臨縣及蹠亭驛

蹠改蹠

○按漢書地理志水經注作蹠

亭

又撫勦王剛豹

改又勦王剛王豹

李卑傳混天猴陷宜君鄜州○按是時混天猴與上天猴掠河西道郭允登所解餉十萬七千金於甘泉戕允登及知縣郭永固上天猴旋伏法而混天猴旣叛遂連陷諸邑見綏寇紀略

會王自用陷遼州○按自用卽紫金樑賊王嘉允餘黨也見綏寇紀略

臨洮總兵曹文詔改大同命卑代署其事○按卑署臨洮總兵從職方郎李繼貞之薦也見崇禎長編

湯九州傳賊走登封石陽關○按是年二月賊攻密縣不利走登封王進忠周維塘敗之於郛城鎮遂奔石陽關見綏寇紀略

文瓊後亦殉難○按湯文瓊賜祀忠義祠

湯九州附傳從竹山竹溪白河分道進溪改谿下同○按竹

溪地理志作竹谿陳奇瑜左良玉傳皆同

祖寬大破賊滁州○按是時滁州被圍象昇在西沙河

聞警遣祖寬羅岱祖克勇乘夜疾馳平明抵滁大破之象昇自引世恩從定遠至淮撫朱大典亦引兵至賊大披靡俘斬無算圍遂解見明史紀事本末

陳于王附傳陸王猷殺賊過當賊鬻分其肉死莫是驍詹世龍及千戶王定遠皆力戰死

詹改唐

○按陸王猷

王定遠賜祀忠義祠莫是驍唐世龍皆武舉江南通志及綏寇紀略並同此作詹世龍誤

餘贈蔭有差○按是時贈詹兆鵬等十二員爲懷遠將軍署指揮同知見綏寇紀略

侯良柱傳總督洪承疇大舉討賊令良柱扼賊入川路○按是時承疇疏言副將張令參將譚大孝兵九千

臣未敢遠調聽蜀撫王維章總兵侯良柱率之親赴秦楚交界處相機調度見綏寇紀略

分三道入寇○按是時賊一軍攻七盤一軍入廣元一軍向白水所謂三道入寇也迨廣元破連陷昭化劍門劍州梓潼又分其軍一往綿州一往鹽亭一往江油其由江油入者徑薄成都見明史紀事本末

張令傳張獻忠等悉奔興安至大敗瑪瑙山○按獻忠

瑪瑙山之敗在二月七日參將張應元汪之鳳乘勝逐北十六日及之於水右壩斬馘九百賊遂走至溪

見明史紀事本末

九月獻忠兵大至大敗

猛如虎傳已從曹文詔追賊西偃碧霞村

偃改堰

○按曹

文詔傳作西堰

與大威國威斬劇賊高加計

計改討下並同

元吉應元營安岳城下以扼其歸路○按是年十二月

嗣昌駐重慶戒期進兵三檄賀人龍不奉命而左良

玉亦怨望萬元吉言軍心不一未可戰欲令前軍躡

賊後軍繼之中軍從閒道出梓潼扼歸路嗣昌不聽

見綏寇紀略

乃收殘卒從嗣昌下荊州○按嗣昌在雲陽聞敗頓足

曰悔不用萬參軍之言遂退回重慶順流歸楚賊已

席卷出川西焚新開驛置而楚蜀消息中斷矣見明

史紀事本末

猛如虎附傳見其黨劉浩然高加計破滅○按劉浩然
卽鄉里人也如虎及虎大威麾下安集掾龔能善用
謀以閒賊賊遂內自疑持浩然首以降見綏寇紀略
虎大威傳從總兵尤世祿擊王嘉允於河曲力戰被傷
○按是時嘉允以三千人出掠方裕昆敗績於櫻桃
鎮大威與尤勝龍皆負重傷見綏寇紀略

九月次新蔡至遂奔沈丘○按宗龍文岳以九月四日
次新蔡命軍中起浮橋期翼日渡河自成亦過河窺
汝寧相與值二督夜召諸將謀邀擊遲明賊過且盡
師至孟家莊諸將解鞍休士賊突出人龍奔李國奇

初接戰亦奔與大威同避於沈丘二督自以親軍與賊持文岳是夜奔陳州宗龍被圍十餘日突圍出被執死之見綏寇紀略

孫應元傳浙川知縣郭守邦說降

改浙川令郭守邦遣諸生王作霖說降

○按綏寇紀略是時守邦知賊中可變可受有善意遣邑諸生王作霖挑與語可變隨作霖至

可變卽賊改世王

刪賊字

可受則安世王也

則改卽刪也字

令副將周遇吉等分道別擊之

刪令字別字

○按是時與遇

吉分道擊賊者爲副將張一龍刁明忠見明史紀事本末

尤世威傳驛卒母近前

母改冊

尤世威附傳厯山海左部總兵官謝病去○按世欽始官都督僉事與蕭如薰白兆慶分練三大營軍遷都督同知孫承宗設山海三大將用爲左部總兵官言官欲去承宗先擊世欽遂謝病去見陝西通志

世威弟世祿爲寧夏總兵官○按世祿於三年冬由保定總兵調山西擊王嘉允於河曲四年十月稱病五年冬總督張宗衡起之與李卑賀人龍同援遼州復之八年闖踢天整齊王等躡江北爲世祿所扼退屯商雒山中見綏寇紀略所謂屢著戰功指此

敗闖賊於鳳翔之官亭

闖賊改高迎祥

斬首七百餘級

刪首字

劉國能傳尋南走荆襄與總兵秦翼明數戰○按是時翼明自言以三千餘騎與闖蹋天等賊十萬戰於豐陽界山均州官山觀音關七星店真武山大小數十戰雖未嘗敗北賊益強終不能破見綏寇紀略

劉國能附傳進忠光王大挫於潼關○按是年八月進忠光玉毆宛雒之眾思入潼關傳庭與承疇擊賊汾寧閒乃辭承疇出關嚴陣擊之賊拔營還走九月熊文燦遣左良玉陳洪範龍在田大破賊於雙溝營斬首二千餘自文燦出師以雙溝之捷爲第一見綏寇

紀略

會光玉進忠等皆大敗進忠懼而降○按是年三月左
良玉大破進忠於鎮平關遂降之見明史紀事本末
乾隆四十一年賜諡諸臣尤世威專諡忠剛艾萬年
湯九州潘可大侯良柱張令猛如虎劉光祚虎大威
孫應元姜名武鄧祖禹都任惠顯劉廷傑劉廷夔王
世欽李昌齡侯世祿通諡忠烈艾毓初通諡忠節柳
國鎮楊正芳張上選楊世恩陳于王包文達程龍詹
兆鵬莫是騏唐世龍王弘猷劉士杰郭開猛先捷王
來聘王世國甄奇傑王學書尤世祿尤翟文尤岱侯
拱極劉國能李萬慶通諡烈愍羅安邦姚運熙通諡
節愍

列傳第一百五十八

馬世龍傳賜尙方劍○按賜世龍尙方劍緣孫承宗請也見明實錄

沈有容傳熊廷弼建三方布置之議○按廷弼傳廷弼建三方布置之議緣毛文龍有鎮江之議之故是以敘鎮江之捷在前布置之議在後與此互異

張可大傳葉向高赴召過儀

儀下增眞字

此不特良將

刪此字

秦良玉傳賊據歸巫萬山巔

刪萬字

○按巫山本傳屢見

且明史紀事本末及張獻忠傳亦云歸巫山此萬字衍

張令必破

必下增致字

乾隆四十一年賜諡諸臣賀虎臣通諡忠烈賀讚通
諡忠節魯宗文通諡節愍吳阿衡通諡烈愍

明史攷證擴逸卷二十八